

Casalia. ) Casale villa est a casis dicta, de qua in vita Angelae de Fulgino, c. 1. f. 34. ita legitur: „Hoc accidit mihi prima vice, quando vendiderat casale meum.“ Et lib. 3. constit. Neapolit. c. 1. ita legitur: „Ut omnes ci-

vitates, castra, munitiones, casalia, villas, & quicquid in eis intus, aut foris.“ Notarunt Bosquetus ad Innoc. lib. 1. epist. 17. Vossius de vitis sermon. lib. 3. cap. 4. verbo Casale.

C A P U T X I.

Idem Episcopo a Mauriensi, Praeposito Ulieni, & Decano Heliorien, Turonen. & Maurien. diocesi.

AD nostram noveritis audientiam pervenisse, quod cum b Tufen. monasterium depressum esset onere maximo e debitorum, dil. f. Abbas, & conventus ejusdem villam, quae Januen. vulgariter, necessitate coacti Bonavardo laico concesserunt in feudum, tali conditione proposita, quod idem laicus octoginta libras persolveret, pro quibus eadem villa exiterat obligata: quod idem non distulit effectui mancipare. Verum quia praesatum monasterium est, sicut dicunt, enormiter in hoc lasum, eo quod de redditibus villa praesata conventus singulis diebus unum ferculum, & in festis xii. lectionum pisces, vel aliud aequipollens percipere consuevit, nobis humiliter supplicaverunt, ut feudum praedictum faceremus ad utilitatem monasterii revocare, praesertim cum idem laicus prius anno de ipsius praesentibus ultra summam perceperit praetaxatam, & per multos postmodum annos suppressit ejus fructus. Nos ergo sic nolentes gravaminibus praesati monasterii providere, quod alii videamur injuriam irrogare, disc. v. per A. f. m. quar. inquisita plenius veritate, si praedictum monasterium propter hoc inveniretur enorme dispendium incurrisse, fapeditum laicum, ut pecunia, quam pro exoneratione praedicti feudi, seu etiam pro utilitate ipsius monasterii noscitur expendisse, ab eodem Abbate, & conventu recepta, cum sibi fructus percepti haecenus sufficere debeant pro labore, praesatum feudum eidem monasterio dimittat liberum, & quietum, mon. prem. cenf. ec. ap. rem. compellatis.

N O T A E.

1 a Maurien. ) Ita etiam legitur in tercia collectione, sub hoc tit. c. 2. Mauriana est urbs in Sabaudia, ad Alpes Goritias, ubi in valle est civitas sancti Joannis Maurianensis, vulgo dicta S. Jean de Maurienne, ut refert Papius Massonius in descript. Galliae per flumina, fol. 413. Habet Ecclesiam Cathedralis, cujus Episcopus Hiconius subscripsit Concilio Matifcon. 1. & 2. ut tradit Carolus a S. Paulo in geograph. sacra, fol. 146. b Tufen. ) Legendum esse Saccusan. jam notavit Hostiensis in praesenti, in castro enim Saccusis, in finibus Italiae, & Delphinatus, provinciae Galliarum, est monasterium S. Justitii, Canoniarum Regularium Congregationis Lateranensis, & licet per aliquot annos Monachi D. Benedicti in eo inferderint, tandem reversi sunt ibi Canonici Regulares, ut refert Peanotus lib. 2. hist. canonice. regul. cap. 28. n. 3. in quo jacent plura Sanctorum corpora, quae ipse recenset lib. 3. cap. 46. n. 2. c Debitorum. ) De quo casu agit etiam in cap. 1. hoc tit. in 7. compil. ubi ita decrevit Honorius: „Proponentibus olim Abbate, & Conventu Sancti Antonini, Ecclesiam suam debitorum onere aggravatam, & humiliter postulabatibus, ut concederemus, quod aliquae de possessionibus suis minus utiles venderentur, ut ex earum pretio solverentur; Nos eorum postulacionibus annuimus in hac parte. Ipsi autem non ejusdem Ecclesiae, sed vestri monasterii, licet illi subjeti, & res alias idem monasterium contingentes ven. fr. n. Pistorien. Episcopo vendiderunt; quare Archidiaconus, & Archipresbyter Senen. propter hoc partes de mandato nostro ad Sedem Apostolicam citaverunt, quibus coram nobis postmodum constitutis, nos hujusmodi contractu relicto, vos & fidejussores vestros, ac ejusdem monasterii homines a juramenti, & cujuslibet obligationis alterius, ac excommunicationis vinculo, quo tenebamini ejusdem occasione contractus, & duximus absolvendos, in cum statum praesatum monasterium reducentes, in quo ante contractum praedictum noscitur extitisse.“

C O M M E N T A R I U M.

4 Certe est, rem Ecclesiae improbe alienatam restituendam esse cum fructibus ex ea perceptis. cap. si quis presbyterorum, c. non liceat, 12. q. 2. ex vulgari principio, quo docetur, omni restitutioni, quae ex iustitia fit, fructus etiam venire, c. 1. de in integrum restit. cap. gravis, c. conquerente, de restit. spol. c. accensum, in fine, ut lito non contest. l. videamus, §. in Flaviana, ff. de usuris, l. Julianus, §. idem; l. praeterea, §. de rei vind. l. restituere 35. §. 75. ff. de verb. signif. l. si minor, l. restitutio, l. pater 28. §. si pecunia, ff. de minor. cum aliis adductis a Covar. l. 1. var. c. 3. Pinello l. 2. c. de restitu. 2. p. c. 4. §. 4. Acosta in §. quid si tantum, 2. p. a. 2. 71. Quare difficilis est praesens textus, dum in eo docet Innocentius, monasterio enormiter laeso in alienatione villae, eam restituendam esse sine fructibus. Glossa in praesenti ait, remitti fructus pro labore administrandi ipsam, & argumeto legis fructus 7. ff. solut. matrim. Sed si hac sententia esset vera, sequeretur, nunquam fructus venire in restitutionem, cum semper praecedat administratio ipsius rei restituendae. Costa ubi proxime, n. 75. Covar. d. c. 3. u. per. ut textum hunc ex-

ponant, supponunt in restitutione, quae ex gratia fit, non venire fructus, autem. idem est, Cod. de heredit. junctis traditis a Sforzia de in integr. restit. 2. p. q. 97. art. 14. Antonius Gomez lib. 3. var. c. 13. n. 38. Garcia de nobilit. gloss. 6. §. 1. n. 45. Peregrinus de iure fisci l. 5. tit. 2. n. 6. Fachinens lib. 1. contror. c. 38. Unde cum in praesenti specie integrum restitutio concederetur Ecclesiae ultra quadriennium a iuramento, Clem. unic. de in integr. restit. leg. fin. Codic. de temporibus in integrum, & ita ex gratia potius, quam iustitia daretur: ideo in tali restitutione extraordinaria non veniant fructus. Sed etiam hac interpretatio non placet, quia in praesenti specie Ecclesia enormiter laesa fuit, cum ex fructibus primi anni tantum percepisset laicos, quantum pro villa dederat monasterio, sed propter enormissimam laesionem etiam ultra quadriennium Ecclesiae restitutio datur, c. 1. ibi; Val alia rationabili causa, c. 2. ibi: „Nisi aliquid rationabile appareat; de in integr. restit. lib. 6.“ junctis traditis a Sforzia 1. p. q. 97. art. 7. Covar. lib. 1. var. cap. 13. n. 10. Igitur in praesenti casu potius ex iustitia, quam ex gratia concessa fuit. Alii tandem affirmant, in praesenti casu fructus non restitui ob naturam contractus feudalis, in quo a feudatario pro labore, & servitio, quod exhibet domino, fructus percipiuntur, ut in cap. 1. de feud. quae interpretatio suadet ex illis verbis: „Cum fructus illi sufficere debeant pro labore.“ Quae non sunt intelligenda de solo labore impenso in cultura, & colligendis fructibus, ut Glossa voluit: sed de labore, seu servitio, ad quod ex natura contractus feudalis tenebatur, ex cap. 1. §. huius autem, in quibus causis feudum amittitur, in ubi feudum. Cum igitur servitium exhiberi non possit sine sollicitudine, & labore, pro illis fructus villae feudalis suos facit. Sed hac interpretatio recessit primo ex eo, quia restitutio aequaliter contra omnes contractus, ex quibus laeso proveniat, minori, & Ecclesiae competit, l. si minor, ff. de restitutio, ff. de minor. Igitur si ex aliis contractibus res cum fructibus restituitur, ut supra probavi, etiam id admittendum est in laesione, quae provenit ex contractu feudali. Secundo, quia feudi natura non fuit Innocentio III. incogita, c. verum, c. ex transmissa, de foro compet. seu feudi praestitio respectu feudatarii, servitium, non vero labor appellatur: igitur cum Innocentius fructus B. laico remisit propter laborem, non sensit de servitio ob feudum impenso. Facit etiam textus in c. 1. de in integr. restit. iuxta communem interpretationem quam ibi adduxi. His ergo solutionibus omnibus verius dicendum credo, laborem feudatarii in praesenti specie non provenire ex natura feudi, nec consistere in exhibendo servitio, sed in operatione monasterii a debitis contractibus: quare petebat feudatarius contractum non esse rescindendum, ut constaret ex illis verbis: „Non distulit effectui mancipare.“ Ac proinde licet ex juris praesentibus monasterium fuisse restituendum ad rem cum fructibus, solutis expensis feudatario pro labore in solvendis debitis monasterii impenso, secundum iustitiam aequalitatem, ex dicta l. fructus 7. l. intra utile 41. §. fin. ff. de minor. l. Julianus 14. §. ex vendito, ff. de actione empti, l. curavit, G. cod. tit. l. 2. c. de usuris, Innocentius III. tamen in praesenti intendens circuitus evitate, monasterio restituendam esse villam decrevit, & B. laico feudatario pro impenso labore in solutione debitorum monasterii fructus remitti iussit, non quia feudatarius erat, sed quia constabat, ipsum a debitis monasterium exonerasse.

Idem in Concilio a generali.

Cum b laicis, quamvis religiosis, disponendi de rebus Ecclesiasticis nulla sit attributa potestas, quos obsequendi manet necessitas, non autem imperandi, dolemus in quibusdam ex illis sic refrigerare caritatem, & quod immunitatem ecclesiasticam libertatem, quam nedum sancti Patres, sed etiam Principes faciles multis privilegiis muniverunt, non fornicant suis constitutionibus, vel potius constitutionibus impugnare, non solum de alienatione feudorum, ac aliarum possessionum Ecclesiarum, & usurpatione jurisdictionum, sed etiam de e mortuariis, necnon & aliis, quae juri spirituali videntur annexa, illicite praesumendo. Volentes igitur super his Ecclesiarum indemnitatibus consulere, ac tantis gravaminibus providere, constitutiones hujusmodi, & venditiones feudorum, seu aliorum bonorum sine legitimo Ecclesiasticarum personarum assensu praesumptas occasione constitutionis laicae potestatis (cum non constitutio, sed destitutio, vel destructio dici possit, necnon usurpacio jurisdictionis,) sacri approbatione Concilii decreverimus non tenere, praesumptoribus per cenf. ec. compescendis.

N O T A E.

a Concilio. ) Lateranensi videlicet, celebrato sub Innocentio III. ubi c. 44. & in 4. collect. sub hoc tit. c. unie. reperitur hic textus. b Laicis. ) Hec verba extant in c. laici 24. 16. q. ult. causus prior pars refertur in c. 1. §. 6. d. Nec recte exaudiuntur

a Cujacio hic de laicis religiosis, idest in monasteriis convertis, seu oblati, de quibus egi in c. in praesenti, de prob. Laici enim religiosi in praesenti accipiuntur pro viris catholicis, & religiosis. c Mortuariis. ) De quibus in c. conquiescente, de offi. ordinis. fin. de testam.

T I T U L U S XIV.

De Precariis.

C A P U T PRIMUM.

Ex Concilio apud a Belvacen.

Precariis de quinquennio in quinquennium, secundum antiquam consuetudinem & auctoritatem renoventur.

N O T A E.

a Belvacen. ) Ita etiam legitur in prima collectione, sub hoc tit. c. 1. & verba hujus textus ex Synodo Belvacensi citant Burchardus lib. 3. Decret. cap. 169. Carnotensis p. 3. Decret. cap. 230. Gratianus in cap. precariis 10. q. 2. & canonem 13. Synodi Belvacensis in hac verba refert Marculus in notis ad Bignonium, l. 2. c. 3. ibi: „Ut precariis de quinquennio in quinquennium, secundum antiquam consuetudinem, & auctoritatem renoventur.“ Eadem etiam verba referuntur in Conc. Meldensi cap. 22. in qua Synodo transcripta fuerunt omnia, quae statuta erant in Belvacensi. Cum enim anno 845, Carolus Calvus convocasset Synodum Episcoporum Galliae apud Bellocavum, quae est civitas provinciae Rhemenensis, ubi de variis Ecclesiarum negotiis actum fuit, & eodem anno celebratum fuisset Concil. Meldense, de quo egi in c. 7. de consti. ita ex omnes canones Belvacenses relati fuerunt. Etiam reperitur verba hujus capituli inter capitularia Caroli edita ab Anselmo, c. 9. & in formulis veteribus Matculi, c. 19. 21. & 150.

C O M M E N T A R I U M.

EX hoc textu sequens commentarius deducitur assertio; „Praecaria de quinquennio in quinquennium debent renovari.“ Quae conclusio firmatur auctoritatibus supra conceptis, ubi eadem sententia adstruitur; nam in utroque jure non est alia similis decisio. Illustrant eam alia congesta a Barb. & Garan. in praesenti, Cujacius ad hunc titulum, & ad tit. C. de iure employe. fol. 422. & l. 1. de feud. c. 1. Petrus Greg. l. 23. §. 1. c. 2. Bignonius in not. ad Marculum lib. 2. c. 5. Ant. August. in epist. juris, l. 14. tit. 39. Wademb. in glossar. verb. Precariis, Gibal. lib. 4. de usur. c. 2. art. 6. Glossarium Anselmi verbo Precariis Datus in c. 4. 10. q. 2. Sed pro dubitanti ratione in praesentem assertionem ita insurgo: Precaria natura est, ut pro concedentis arbitrio renovetur, l. 1. ff. de precariis; ergo non de quinquennio in quinquennium, sed quodcumque Ecclesia voluerit renovare precarias concessas, poterit. Augetur primo hac difficultas ex eo, quia in precario ipso jure inducitur renovatio, l. in rubro 4. §. fin. c. de leg. §. ff. de precariis, litem quaerit 13. §. qui impleret, eum l. §. ff. locati; ergo si ipso jure tacite inducitur renovatio, ad quid necessarium est expressa de quinquennio in quinquennium? Augetur secundo; nam si necessaria esset hae quinqueannalis renovatio, maxime ne longinquitate temporis memoria concessionis periret, & longinquitate contra Ecclesiam non possunt, c. clerici, ibi 23. Clerici quilibet, quantumcumque diuturnitate temporis de Ecclesia remanente aliquid possederint, in jus proprium praescriptione temporis non renoventur, dummodo praeseritio Ecclesiae rem fuisse, & videatur etiam Episcopi tempore administrationis prolata, aut precarias, cum ordinati sint, facere non debuisse: aut dia recentis facultates in jus suae proprietatis posse transferre. Ergo etiamsi de quinquennio in quinquennium non renoventur, nulla potest timeri praescriptio in precariis. Secundum in ea verba, „Secundum auctoritatem, & antiquam consuetudinem,“ ita insurgo: Contraria inter se sunt lex scripta, & consuetudo. D. D. Gonzalez, in Decretol. Tom. III.

tudo: ubi enim legis observantia adest, consuetudo non inducitur; quia, ut ait D. Idorus in c. consuetudo, ff. de consuetud. suscipitur cum deficiat lex: igitur praesens renovatio non potest procedere iuxta legem simul, & consuetudinem.

Adhuc tamen defendenda est praesens consuetudo, pro cuius expositione sciendum est, precariam contra antiquos veteribus Romanis ignotam fuisse, atque hodie penitus in usu esse destitisse, ut testatur Ant. August. in notis ad primam collectionem, in pref. Unde praesenti textu sine ullo dispendio nos carere potuisse notavit Alberic. Gentilis de libris juris canonici, fol. 405. Praecariis tamen fuit olim in Ecclesia Gallicana; ut constat ex Conc. Agathensi cap. 58. Epanensi cap. 18. Antelian. canon. 36. aliisque veteribus Canonibus, & Capitularibus congestis a Lindembrogio, Bignonio, & Gibalino ubi supra: fuisse vero de his precariis actum fuit in Synodo ad Lyptinas Vician in agro Cameracensi (ut ex Antonio, l. 1. c. 25. observavit Sarrazin, l. 3. hist. Megun. not.) anno 743. habita, Praefide sancto Bonifacio A. S. L. Lubia Carolo Magno Principe Francorum ita statutum fuit: „Cum consilio servorum Dei, & populi statum, propter imminetia bella, & persecutiones ceterarum gentium, quae in circuitu nostro sunt, ut sub precario, & censu aliquam partem ecclesiasticas pecunias in adiutorium exterius nostris, cum indulgentia Dei aliquanto tempore retineamus ea conditione, ut annis singulis de aliqua casta solidas unius, idest duodecim denarii, ad Ecclesiam, vel Monasterium redendantur, eo modo, ut si moriatur ille, cui pecunia commodata fuit, Ecclesia cum propria pecunia restituta fit: & iterum si necessitas cogat, aut Princeps jubeat, precarium renovetur, & restitatur novum, & omnino observetur, ut Ecclesia, vel Monasterium penuriam, & pauperem non paupiantur, quorum pecunia in precario praestita fit: sed si paupertas cogat, Ecclesiae & domui Dei reddatur integra possessio.“ Ita refertur l. 7. Capit. c. 2. & l. 7. c. 104. Est itaque precaria contractus, quo res Ecclesiae alicui petenti commendantur sub annuo censo, vel alio quocumque onere, ad quinquennium, aut aliud tempus, quo finito Ecclesia res suas recuperat. Cuius concessionis formulae referunt Marculus l. 2. c. 39. & anchor incertus foemularum c. 27. & ex eis exhibet Sirmundus in analo. ad Capit. Caroli cit. 7. Nec contractus iste erat emphyteuticus, ut perperam existimantur Barbaria & Berouus in praesenti rubri. falon. in l. 1. c. de iure employe. Valacius de iure employe. q. 26. n. 9. & notavit Cujac. l. 4. obs. c. 4. emphyteutis enim, & precaria pluribus differunt. Primo, quia emphyteutis propter agrorum culturam inventa est, ut essent qui agros desertos excolerent, Brilloniis, & Hochom. verbo, Emphyteutis. Secundo, quia emphyteutis ex Zenonis constitutione formam accepit, §. p. ideo 3. Inst. de locato: contractus vero precariarum pluribus differentiis a quoque emphyteutis differunt. Tertio, quia emphyteutis in perpetuum conceditur, l. viam 10. C. de locat. quare perpetuarum jus dicitur in l. 1. C. de offi. Commis. sacri palat. l. 1. §. 2. C. de praef. fiscal. ac precarias ad quinquennium conceduntur. Deinde emphyteutis sub lege meliorationis datur, precaria non. Item emphyteutis datur sub canone, & vestigali: precaria vero quamvis nonnumquam pensionem admittat, eam tamen necessario non exigit. Tandem emphyteutis in agris, & praediis consistit, precaria vero etiam in pecunia numerata datur: ut constat ex Synodo ad Lyptinas supra-relata, & exemplis congestis ab Hohomano de verbis feudibus, verbo Precaria.

BIBLIOTECA CENTRAL U.S.N.L.







